

閩都記卷之四

郡人 王應山 纂輯

郡城東南隅 閩縣

由鐵冶巷迤東為鰲峯坊仙蹟坊登雲坊九仙山

鰲峯坊舊名九仙坊通水部門有宋狀元陳誠之祠堂更今名

祠今廢其東曰登瀛坊

仙蹟坊通九仙山俗呼觀巷里社中有雙石奇蹟

登雲坊舊名至喜宋時胡文炳文煒兄弟登科建坊改登雲今

廢

九仙山初名于山高一百十五步週迴三百一十步與烏石對

卷四

求放心齋

峙為一郡之勝相傳何氏兄弟九人脩煉於此因名九仙閩

中記云越王無諸九日宴集茲山有大石樽尚存又名九日

山山周遭有煉丹井平遠臺浴鴉池四徹亭唐元和中建慶

厓中沈邈更名今廢鰲頂峯宋狀元陳誠之讀書處舊為嘉

福院躡數十級以登千峯萬井皆在履舄之下磊老巖躍馬

巖喜雨臺石上篆書三字其下有樓今廢仙人牀金鎖園杏

壇廓然臺碁盤石玉蟬峯與鰲頂峯相聯差小琴臺青牛洞

醉鄉石九日臺石門龍舌泉八九仙觀西傍石巖下有一穴

疑卽其處石龜池梅嶺獅子巖集仙巖小華峯在山之南有

石刻三字仙羊石在攬鰲意之北正德間太監尙春于宋丞

相陳自強宅假山取至三石森立中爲仙羊旁二石俱刻景
元春之字也攬鰲亭倚鰲軒應鰲石接鰲門步鰲坡聳鰲峯
俱御史錫山王英創有六鰲說刻於石勒功碑亭爲叅將戚
繼光建今廢熒星祠在山顛祀火星舊爲明離殿萬厯初重
建更名並作玉皇殿於中祀元冥於左今徙熒星祀於華林
碧霞洞天萬厯間建奉泰山頂上碧霞元君 宋王達游鰲
頂峯眼看滄海近身與白雲高迴影連三島盤根壓六鰲達
厯間以祠 蔡襄九日登九仙山偶爾尋幽上翠微遊人
部郎知郡 鳥似前期花間行印露沾紙山下放衙雲滿旂豔豔舞衣
日近飄飄商櫓落潮時傳杯且與乘春醉身世悠悠兩自

卷四

求放心

襄仙遊人慶厯間知福州

劉淮登平遠臺海天漠漠水雲寬開到梨

正自寒却擁重裘上平遠愁心千疊倚闌干

淮建陽人

程師

寒食遊九仙山城中無事喜尋山千里提封並海寬嶺客

從筵既冷士民同出食猶寒荒園病葉堆何限古院間花

幾般誰道異鄉多感慨登臨遲却十年官

師孟吳人熙寧間知福州府

馬益和程大卿寒食九仙山屬吏叅陪宴二山金杯滿沃酒

腸寬公私不禁三朝莫風雨都無十日寒花引遊蜂香四座

人穿蕭寺景千般清明休暇歡心洽飽德咸知有上官 辛

棄疾九日登九仙山貪數明朝重九不知過了中秋人生能

得幾多愁只有黃花依舊

萬象亭中帶酒九仙閣上扶頭

城鴉喚我醉歸休細雨斜風時候

棄疾歷城人紹興中知福州兼安撫使

朱

熹寄題九日山廓然亭昨遊九日山散髮巖上石仰看天宇

近俯嘆塵境窄歸來今幾時夢想掛蒼壁聞公結茅地恍復

記疇昔年隨流水遠事與浮雲失了知廓然處初不從外得

遙憐植杖翁鶴骨雙眼碧永嘯月明中秋風桂花白

熹新安人

元何中登九仙山吾宗九仙人煉藥此山上渺渺嘉遯心披

烟一相訪海門葱蘢外山氣喘嶮狀側日明遠潮歸霞委孤

嶂塵緣誤良契仙事敦夙向何處乘鯉歸微風起清漾

中臨川人

黃清老登平遠臺六鰲簸蕩元圃碎三島瀟騰失空翠海

風掣斷南山雲分我滄洲半江水臺南巖谷青岌岌奇松怪

卷四

三

求放心齋

石作人立山巔恐有風雨來林徑空濛落花濕水東劣崩結

平陸積霧飛嵐坐堪掬蓬萊迢迢幾萬里一碧天光浸寒玉

吟翁回首看不足緩步策蹇度空谷誰知咫尺山中幽望斷

殘碑立脩竹

清老邵武人

明王恭登平遠臺山壓無諸野臺荒

半夕暉連天孤樹遠滄海片鴉飛紺苑皆黃落琳宮盡翠微

回看南陌上四牡正駢駢王禔登九仙山雪後空山一棹

過新年草色送離歌心知別後登臨少福地重來感慨多谷

口飛花看薄暝洞中啼鳥掩垂蘿知君亦有東山凌歸去雲

林近若何周元平遠臺燕集高樓翠微裏振袂屐蕭散坐

觀滄海流平視白日短飄飄居化城驕離賦文館偶茲耽琴

樽詎非避書簡境絕萬塵滅趣愜衆妙管川上風雨來滄然
望中滿烟鐘度山暝野燒穿林晚東城領車騎相邀下崇坂
鄭瑛九仙山送卓子餘歸金華南登九仙峯西憶雙溪月
玉輪千里懸秋光環珮玲瓏上瑤闕仙人去去不可留聽我
一曲歌丹邱清泉搖曳采雲別白日飄忽乘天遊我宮之真
師乃是紫陽客與君銘骨授長生昔隱茲峯煉精魄誰料丹
砂化成烟謫向人間二十年元峯笑翳花源去羽衣醉拂秋
霞眠青童返霓旌相招擁仙蹕下窺城郭幾回新手種長松
已千尺杳然真師失其踪身騎白羊去無窮鸞啼鶴怨天府
空長攀玉樹期相逢君家乘龍度百粵過予洒掃石上月真

卷四

四

求放心齋

師不來君又發還掩洞門泣仙骨 陳策遊平遠臺三山中

有平遠臺臺高千尺凌虛碧老松偃蹇走鐵蛟枯籐束縛盤

陀石風雷神力常護持氣勢虎頭何敢敵南海西河縱大觀

欲結茅茨傍青壁

策無錫人正
德間叅政

林廷玉登九仙山馬踏香

塵曉氣清閒尋羽客共黃精湖邊細柳迎春媚山半晴雲閣

樹輕村釀新荔眠草醉野歌無調傍花行留連且盡今宵興

漫道長庚又啓明 王希旦鰲頂峯鰲頂飛來海上峯勝遊

遙指五雲中江湖廊廟誰爲念泉石烟霞已屬君宸馭天迴

聞塞北凱歌日靜報山東香期不負登高志倚劍狂歌欲插

空 鄭善夫遊鰲峯鰲峯天畔登臨去雲木新開平遠臺落

日山城生海氣中原風物送秋哀一時賢士俱傾蓋滿目萍
踪笑舉杯梁國鄒枚吾豈事竹林稽阮是仙才張時徹遊
九仙山高樓臨紫極面面出烟霞寺古松生甲林深石繡花
朱欄懸海蜃玉笛動雲霞自是神仙宅蓬瀛未足誇林炫
平遠臺黃菊碧梧分素秋東山猿鶴思悠悠白日俄驚木葉
下滄洲忽起烟波愁亂石清泉圍野舫落霞孤鷺映江樓槿
園回首荷亭會又見梅花池上頭王文旭初秋平遠臺燕
集抱病頻登江上臺蓬萊方丈接三台巖花笑我含秋瘦野
衲迎人冒雨回天漢風雲回北極海門波浪自東來道人共
有滄洲興更向虛亭泛酒杯林恕秋登平遠臺元是蓬瀛

卷四

五

求放心齋

海上峯六鰲移向粵城東天連螺渚風濤壯月照龍江島嶼
空萬國梯航歸禹貢九仙樓閣倚崆峒憑欄縱目孤鴻外遙
見扶桑海日紅汪道昆平遠臺勒功銘有序言官上言日
本毒閩且十年刦衆聚徒且十餘萬閩財力竭矣當事者廩
廩莫敢誰何今巡撫忠臣獨兵食少詎能求旦夕之效閩故
隸督府督府尙書名震夷夏所部多精兵請亟發督府兵不
然閩且不保上當言官議下尙書尙書胡公巡撫游公皆
新安人胡公發精兵八千人以部將戚將軍爲上將閩將戴
將軍佐之按察王大夫則護軍往警師畢胡公進三人者語
曰吾聞游公已定漳泉賊堅壁福清與諸將相持不下他夷

部復入橫嶼據絕島中宣德日告急不暇聞公等第亟擊橫
嶼橫嶼破乘勝而趣福清直振稿矣於是引兵從間道入不
旬日而破橫嶼殲之再旬入福清大破賊牛田殊死走與化
旬日而襲興化又殲之部中悉平戚將軍以全師入諸大夫
郊勞曰天厭闔久將軍至乃始有聞此百代之伐也將軍避
席曰督府奉明詔繼光待罪行間乃今有尺寸功上者朝廷
次者督府次者諸大夫之烈繼光何有夫古人以軍功顯務
旌其伐銘諸名山將軍功高而不伐故足述也乃登平遠臺
脩飲至禮道昆幸而在事遂爲之銘銘曰於昭明德漸於出
日重譯來格島夷不逞馮陵白刃躡我四境吳越發難厥有

卷四

六

求放心齋

京觀閩海遘患帝命徂征自癸及壬武功弗成申命督府脩
我千櫓保我南土乃建元戎顯允戚公萬夫之雄乃發右廣
元戎是獎命戴公往乃卜護軍三令五申大夫啓行肅肅我
旅彘如時雨千里安堵旣薄秦川鬥士爭先鯨鯢用殲狂寇
匪茹大師克遇牛田失據轉戰於莆駢首伏誅寇無前途昔
者寇虐民在溝壑邑無聚落王師至止保我婦子室家伊始
炎方旣同赫赫元戎奏爾膚功元戎踟躅天威咫尺胡臣之
力我車旣旋崇臺言言斯民具瞻大德不德小子何述述諸

貞石

道昆婺源人
繼光山東人

王應鐘節後復陪諸丈登平遠臺風物

過重九追歡今復來秋深青女節興續紫萸杯積水通前浦

寒山澹暮臺當歌如昔醉何處倒樽罍 名山當震旦亭榭
俯遙岑地拔齊烏石松多遍綠陰虛巖依紺殿清磬落疎林
不繼登高會那能慰賞心 王乾章人日平 臺燕集共憐
人日好策杖入雲林碣石蒼苔古琳宮歲月深 憇欄來遠翠
把酒對孤岑城市烟霞隔彌清塵外心 初試登山屐當春
分外奇山椒薰玉笋牆柳繫金羈意氣 長劍勲名撫舊碑
遙看千里外獨與白雲期 林煥夏日遊平遠臺藩臬諸
見招載酒鰲峯四望開居然城市絕塵埃林間五月涼飈動
座上千峯翠色來勝地登山原著屐炎天河朔故銜杯羣公
夏日追陪泰能賦登高愧不才 田一雋陪趙九丞夜飲平

卷四

七

求放心齋

遠臺日入登臨天倒開萬家星象列昭回平看海外烽烟息
暗覺林端紫氣來不盡絃歌流碧落多餘瑞色散深杯峴山
始識今猶古自媿鄒生得濫陪 一雋大田人 禮部侍郎 王世懋雨中

玉叔右伯邀遊平遠臺丹梯遠上碧嶙峋并轡登尚海色新
雲雨解吟能賦客江山偷作暫閒身燈前鼓角殘干雉酒外
樓臺隱萬鱗半醉便呼雙屐去天涯深語亦愁人 世八倉人 參
政 陳文燭逢君綵筆幾縱橫晚上孤峯對短檠 况

添暝色百泉樹杪起清聲凭欄一送長天日把酒

名湖海弟兄良夜語不緣風雨倍多情

文燭馮 福建人

山于山二首蓬海標奇蹟同人厯翠微薰

絺衣覽勝不逾適尋仙思欲飛山暉正娛客杖屨未言歸
就蔭尋茗不探幽絳綠蘿奇臺一以眺朝暮景偏多座上巖
雲起梅前谷鳥歌詠歸忽已涼月滿林阿 袁表于山燕
集雨過雲飛海上山樓臺都是翠微間三天香氣蘿陰合六
月炎歊草色殷地入祇園常戒定飲同河朔莫醒還戈船橫
海今無事重譯遙聞控百蠻 松門蘿徑隱城隈騁望風烟
四面開滄海十年曾說劍青樽六月此登臺寒雲晝落江濤
影細雨晴添石路苔文酒不辭牽暝色天涯聚散幾人來
林煙平遠臺小集呈馬用昭何地堪逃暑層臺迥自涼江光
浮几席雲氣接衣裳逸興追河朔相期入醉鄉坐中森玉樹

卷四

八

求放心齋

誰是白眉良 屠隆八月十六夜平遠臺看月孤城睥睨倚
崔嵬四望山河爽氣開同社高人頻載酒異鄉佳節且登臺
風含古木秋聲起雲散中天月色來如是百年能有幾不妨
涼露下深杯隆宦波人禮部主事 曾仕鑑遊平遠臺前日欲

曛東南形勝望中分玉蟬近綴鰲峯石金粟遙連雨瀆雲下
會自來通禹貢霸基猶憶抗秦軍仙山羽鶴今何處城上千
年一度聞仕鑑南海人 趙世頌登平遠臺初晴鳥亂啼曲

徑草萋萋雲斂千峯出烟含萬壑古臺鰲石畔斜景道山
西北日竹林下青樽誰共攜 余翔飲鰲峯亭汁漫相逢秋
色深興來高閣共登臨雲開睥睨羣峯出日隱松杉獨鳥吟

流水樽前調綠綺寒花籬畔
玉嬋娟一片城頭月相對

狂歌思不禁翔莆田人知縣游
豪飲平遠臺羣峯面面削芙蓉

翠壓層臺樹萬重落日影涵天
微風聲斷遠山鐘一尊

對客呼明月獨鶴吟人下古松
打隱空回王子棹剡溪興盡

不相從士豪莆田人方沆晚秋登平遠臺憑陵尊酒一登臺四

望寒雲迥自開城郭烟收千雉
出海門潮擁六鰲來天涯朋

好投蘭少歲晏歸心落木催總
為山川賦筆疎狂應愧大

夫才沆莆田人江西僉憲鄭玟平遠臺懷古海門夜半六鰲門突出

高臺萬山走怪禽白晝學鬼啼
老樹號風作龍吼臺南臺北

幾人家春去春來閱歲華不見
越王歌舞地年年秋雨長兼

卷四 九 求放心齋

馮郭子章平遠臺百尺層臺擁
巨靈千尋傑閣架高冥窻

海色澄空翠郭外嵐光送遠青
真境東連祇園樹雄風南

接越王亭何人墨跡留苔石蒼
蘚含烟若為扁子章泰和人福建布政使

陳椿登攬鰲亭鰲頂峯頭夜雨
晴峯前伐木響丁丁遊人

坐愜乘春興鳴鳥偏多舊友情
梵界雲來天欲暝海門潮動

月初生不須秉燭綠歸路入夜
光遍治城袁敬烈元日

集平遠臺滿城絃管畫紛紛獨
向孤峯伴白雲萬里江山雲

外盡幾聲鐘磬定中聞竹房
靜逢僧飯古院松深見鶴羣

客散酒闌山暝寒林樹裏欲斜曛又夏日集平遠臺虛

亭曲磴樹上稠滿逕清風暑氣
收出水蓮花香乍散隔林荔

子火初流日斜碧漢霞千片雲掩青山月一鈎入定僧

鐘磬琉璃燈焰寺門幽 車大任九日平遠臺為問登高處

何如平遠臺鰲峯生睥睨烏石對崔嵬寒早衣初授花遲酒

漫催良辰兼勝地欲賦總非才

大任邵陽人
福州知府

卷四

求坡心齋